

OLEH JAINUDIN DJIMIN  
(jainudin@newsabahtimes.com.my)

# Kewujudan UMS-KAL beri impak besar kepada pembangunan Labuan

LABUAN: Kewujudan Universiti Malaysia Sabah, Kampus Antara-bangsa Labuan sejak 12 tahun lalu, ternyata telah membawa impak yang sangat besar dalam pelbagai bidang yang merangkumi pembangunan, ekonomi, budaya, pertumbuhan penduduk dan kemasyarakatan di Wilayah Persekutuan Labuan ini.

Ketua Pegawai Eksekutif Perbadanan Labuan, Zainul Abidin Abdullah berkata, UMS-KAL yang ditubuhkan pada 1999 telah dapat membangkitkan motivasi kepada penduduk untuk mencapai tahap pendidikan yang lebih tinggi sehingga ke menara gading.

"Penubuhan UMS-KAL telah membangkitkan semangat kepada golongan pelajar untuk meningkatkan prestasi akademik mereka untuk melanjutkan pelajaran ke peringkat lebih tinggi," katanya ketika berucap pada Majlis Perarakan Berjubah Graduan Universiti Malaysia Sabah, Kampus Antara-bangsa Labuan (UMSKAL) 2011 di ruang legar, Kompleks Ujana Kewangan Labuan, baru-baru ini.

Turut hadir Pengerusi Majlis Penasihat Perbadanan Labuan, Senator Datuk Yunus Kurus, Naib Canselor UMS, Prof Datuk Seri Dr Ka-

maruzaman Ampon, Pendaftar UMS, Datuk Abdullah Mohd Said dan Pengarah UMS-KAL, Prof Dr Shariff Abdul Kadir Omang.

Terdahulu, Prof Datuk Dr Kamaruzaman menyetujui perarakan sejauh 2 kilometer dari Terminal Feri Penumpang Antarabangsa Labuan ke Kompleks Ujana Kewangan yang disertai pegawai utama UMS, pegawai kanan UMS, pensyarah dan graduan universiti itu.

Perarakan itu diiringi pancaragam PDRM dari Kepyayan, Sabah dan pasukan Latihan Simpanan (Palapes) UMS-KAL serta dimeiahkan dengan persembahan koir oleh Badan Budaya Perbadanan Labuan.

Zainul berkata, selaku penganjur bersama, Perbadanan Labuan akan sentiasa menyokong dan membantu dalam memastikan aktiviti Majlis Perarakan Berjubah ini berjalan dengan lancar.

Katanya, kerjasama serta pad-



RAIKAN ... Yunus (empat kanan), Dr Kamaruzaman (lima kiri) dan Zainul (lima kanan) bersama Pegawai Utama UMS ketika meraikan Majlis Perarakan Berjubah UMS-KAL 2011.

uan usaha jawatankuasa bersama di antara UMS-KAL dengan Perbadanan Labuan dalam majlis seumpama ini akan mampu menjadi satu wacana ke arah merapatkan lagi

hubungan, persefahaman, komunikasi serta kolaborasi antara warga universiti dan Perbadanan Labuan.

"Kami selaku wakil warga penduduk Labuan sangat men-

galu-alukan kedatangan warga Universiti Malaysia Sabah dan warga Kampus Antarabangsa Labuan, khasnya siswa siswi ke dalam masyarakat Labuan ini," katanya.